

կարը ժամանակակից է գրչութեան եւ մի ամբողջութիւն է կազմում իւր շրջանակով եւ Աւետարանչի գլխին գրած «սբ աւետարանին Մարկոս» վերտառութեամբ, ինչպէս եւ մակագրուած են Իգնատիոսի ձեռքով միւս աւետարանիչների անուններն եւս իրենց նկարի գլխին: Նկարչութեան ոճը, նման միւս պատկերներին, ճարտարապետական շէնքը աւետարանչի յետեւի կողմից նման Ղուկասի

յիշատակարանի մէջ. երկուսն էլ Թաթարներից ստացած սարսափի նոր տպաւորութեան տակ գրուած, որ 1236-1242 թուականն էր:

Բռնաւորի յիշատակարանի գրչութեան տարրերութիւնն էլ բուն Ձեռագրի տարրերութիւնից պատճառ չէ հեղինակին բոլորովին տարբեր անձն համարելու. Իգնատիոսի գրչութիւնը Բագնայրի աւետարանի մէջ տարբեր է նոյն աւետարանի յիշատակարանի



Պատկեր 5.

համապատասխան շէնքին. նմանութիւնը ակնհերեւ է նաեւ շրջանակի զարդերի մէջ միւս պատկերների համեմատութեամբ:

Կասկածից դուրս է նաեւ Բռնաւորի եւ Իգնատիոսի մօտ ժամանակակցութիւնը: Բագնայրի մեծ աւետարանը գրուած է 1232 թուին, իսկ Բռնաւորը իւրն ստացել է 1236 թուին: Ապա Թաթարների անօրէնութիւնն ու անգթութիւնը յիշուած է մեր կողմից Իգնատիոսի գործ ընդունուած եւ Մեծշէնի Կարմիր աւետարանին կցուած խորանների յիշատակարանի մէջ* ինչպէս եւ Բռնաւորի

գրչութիւնից, որոնք նոյն գրչի ձեռքն են. Պ. Քէլէկեանի կամ Վ. Սիմոնեանի աւետարանների գրչութիւնը տարբեր են այս երկուսից, առաւել եւս մանր երկաթագրով գրած նորա յիշատակարանները. այսպէս տեսնում ենք մի եւ նոյն գրիչը իրարից տարբեր գրչութեամբ գրութիւններ ունի: Նոյնը կարող ենք ասել եւ ուրիշ շատ գրիչների նկատմամբ: Սորանով, ի հարկէ, անպատճառ չենք կամենում հաստատել, որ Բռնաւորի յիշատակարանի գրչութիւնն էլ Իգնատիոսինն է, մանաւանդ, որ չունինք ձեռքի տակ նորա իսկատիպը կամ լուսանկարը. կարող է նորա աշակերտներից մէկինը լինել կամ մի այլ մարդու, բայց քանի Մարկոսի

*Տես մեր Նիւթեր եւ Ուսումնասիրութիւններ. Ա. Պրակ. եր. 35: